

# Уремыште — лудмывер



Морко рӯдö книгагудын пашаенже-влак Еш, йöратымаш да ўшанле улмо кече вашеш уремыше лудмыверым эртарышт.

Краеведений секторышто еш илыш, ўдырамаш да пöръен кокласе кыл нерген ятыр сылнымутан произведенийым муаш лиеш, лудшо-влаклан темлыме семын тышке шуко марла произведенийым, газет ден журналум луктыныт.

Таче тыланда икмынjar сылнымутан произведений нерген каласен пуаш кумыл лекте, нине книга-влакым кажне марий ўдырамашлан темлыме шуэш. Нуно илыш йыжындын түрлö шöрынжым ончыклат.

Марий калык ойпого антологий гыч Миклай

Казаковын «Ўдыр куш-тымo курык» легендыште кок сўан вашлийын: «А тунам тугай койышыле: кок сўан вашлийын гын, кредалде огыт кай. Икте-весьыштан корным огыт пу: пуйто кугу намыс. Могай ялыншке лўмнержым волтымыжо шуэш! Векат, кугу тўтан тарвана ыле, но...

– Ну, корным пуыза! – кычкырал колтыш ик оръенже... А умбакыже мо лиймым книгаг лудмеке пален налыда.

Алексей Александров-Арсакын «Ўмыр кыл» повестыште Полина ден Пöтырын еш илышышт, колхоз фер-

ме паша да вучыдымо, шолып йöратымаш нерген каласкалалтеш. Нуно коло ий пырля илат, но икшывышты уке. А тиде шошым мо лийын кайыш, мо татыште Полинан илышыште Мичу лекте? Молан? Пöтыр сочшо эрге азам кузе ончаш тўнгалеш? Палынеда? Толза книгагудыш.

«Ўжаран кугорно» антологийын икымше томышто башкир писатель Тансулпан Гарипован «Ший шинчыран кулон» ойлымашыжым лудаш тўнгалмек, мучаш марте лудын пытарыде, чонда огеш чыте. Ойлы-

машым Борис Шамиев марлаш кусарен, ала ойлымашыжак сылне, ала кусарышыже марла тыге чонеш пижшын каласкален, но лудмек, эше шуко тудым вуйышто шке семын пўтыркалаш тарата.

Ўстелтöрышто шинчыше-влак самырык ўдыр-каче кокласе келшымаш кылым пенгыдемдаш погыненыт. Коктынат ончыкылык врач улыт, шукертсек келшат, ушнаш шонат, ача-ава-влак дене палыме лийме тат шуын. Сабира Шикировна, Гульфиян куваваже, кандашле ий марте эмлымверыште ыштен. Толшо ончыкылык туларын онгышто кечыше мотор кулоным тўткын онча, а тиде кулоным моло дене пугаяш никузе огеш лий. Кузе кулон Василя дек логалын, вет тудо шонгыенгын вўдыш пурентайыше Зубайла ўдыржын онгыштыжо кечен...

**Наза, лудса марла книгаг, чондам сылнымут дене куандарыза.**

**Маргарита СЕМЁНОВА.**

**Морко книгагудо системым вуйлатыше.**